

# **Нафсни поклаш ва ахлоқни сайқаллашдан күзланган мақсад**



20:00 / 23.07.2019 1626

Мазкур икки улуғ амалдан күзланган мақсадлардан бири, ибодатларни адо этиш жараёнида қалбни түғри тутиш, хушуъ ва хузуъни қойиллатиб адо этиш, бир сўз билан айтганда, ибодатларга рух бағишилашдир. Шунингдек, улар орқали иймонни амалий тарздаги ҳақиқатга айлантириш, куфрдан четланиш ва нифоқдан қутулиш йўлга қўйилади.

Бу икки улуғ ишни амалга ошириш орқали айнан Қуръон ва Суннатда келган маъноларни тушуниш билан кифояланиб қолмай, уларнинг моҳиятини англаб етиш, бутун вужуд ила уларга амал қилиш йўлга қўйилади.

Нафсни поклаш ва ахлоқни сайқаллашнинг мақсадларини уламоларимиз асосан уч йўналишга тақсимлайдилар:

1. Банданинг Робби билан бўлган алоқасини ислоҳ қилиши.
2. Банданинг ўзи билан алоқасини ислоҳ қилиши.
3. Банданинг ўзгалар билан алоқасини ислоҳ қилиши.

Ушбу уч йўналишнинг ҳар бири бир қанча катта маъно ва амалларни ўз ичига олади. Уларни батафсил ўрганиш ушбу китобдан кўзлаган мақсадимиздир.

Қисқача тасаввур ҳосил қилиш учун улардан баъзиларининг номини зикр қилиб ўтишимиз фойдадан холи бўлмас, деган умиддамиз.

I. Банданинг Робби билан бўлган алоқасини ислоҳ қилиши.

Бунда қуидаги маъно ва амаллар ўз аксини топади:

1. Тавба.
2. Ҳамд, шукр ва ризо.
3. Истиғфор.
4. Эҳсон, яхшилик ва фазилат.
5. Аллоҳнинг гўзал исмлари моҳиятини тушуниш.
6. Аллоҳнинг қазо ва қадардаги ҳикматини англаб етиш.
7. Аллоҳнинг ҳифзи ва ёрдамига банданинг ҳожати борлигини англаб етиш.
8. Ёрдам сўраш, паноҳ тилаш ва дуо.
9. Бандаликнинг мукаммал бўлиши.
10. Аллоҳнинг ҳилми, карами ва афви чексиз эканини билиш.
11. Мухабbat ва Аллоҳнинг Ўзига талпиниш.
12. Тавозеъ ва хушуъ.

II. Банданинг ўзи билан алоқасини ислоҳ қилиши.

Бунда қуидаги маъно ва амаллар ўз аксини топади:

1. Банданинг ўзини ўзи таниши.
2. Такаббурлик ва манманлик тўнини ечиши.
3. Чегара ва торликнинг йўқолиши.

4. Бандада инсонийлик сифатларининг намоён бўлиши.

5. Надомат ва йиғи.

III. Банданинг ўзгалар билан алоқасини ислоҳ қилиши.

Бунда қуидагилар ўз аксини топади:

1. Банданинг бошқаларга нисбатан бағрикенг бўлишни ўрганиши.

2. Банданинг бошқаларга нисбатан гўзал муомалада бўлишни ўрганиши.

3. Банданинг бошқаларга нисбатан рози бўлишни ўрганиши.

4. Банданинг бошқаларга нисбатан тавозеъли бўлишни ўрганиши.

5. Банданинг бошқаларга нисбатан кечиримли бўлишни ўрганиши ва ҳоказо.

**«Рұхий тарбия» 1-жуз китобидан**